

# Ժողովուրդ

31 մայիսի չորեքշաբթի 2023  
տպագրության ԺԲ տարի

77  
(2743)

Թ. Երևան, Արվյան 22ա/3 (0010)

+ 374 10 546423

info.armlur@gmail.com, info.zhoghovurd@gmail.com

100 դրամ

## ՄԳԵՑՎԱԾ ԱՊԱԿԻՆԵՐԸ՝ ԿՌՎԱԽՆՉՈՐ



Սգեցված ապակիների համար տուգանք նախատեսող որոշումը մեղմացնելը մեծ իրարանցում է առաջացրել իշխանական ՔՊԿ ներսում:

Ինչպես հայտնել ենք, հունիսի 1-ից պարեկային ծառայողները եւ ճանապարհային ոստիկանները պետք է հայտնաբերեն ապակիների լուսաթափանցելիության չափի խախտմամբ տրանսպորտային միջոցները եւ վարչական պատասխանատվության ենթարկեն վարորդներին նվազագույն աշխատավարձի քսանհինգապատիկի չափով:

Մինչ այս ընթացքում բոլոր վարորդները հեռացնում էին մեքենաների դիմապակիների վրայի «պլյուսկաները», իշխանությունները մտքափոխվել են: Ներքին քննարկումների արդյունքում հայրենի իշխանությունները որոշել են զիջումների գնալ ու վարորդներին վարչական պատասխանատվության չենթարկել:

Պարզվում է՝ այս որոշումը մեծ դժգոհություն է առաջացրել հենց ՔՊ ներսում: Բանն այն է, որ քննարկումներից անմիջապես հետո ՔՊ-ականների մեծ մասն իրենց մեքենաների ցանցաթաղանթները հեռացրել են, իրենց շրջապատում էլ բոլորին հորդորել հետեւել պահանջին ու մեկ էլ հանկարծ տեղեկանում են, որ իշխանական ներ շրջանակ իրենք իրենցով հավաքվել ու որոշել են մեղմացնել որոշումը: «Ժողովուրդ» օրաթերթի տեղեկություններով՝ այդ քննարկումը տեղի է ունեցել հենց Անդրանիկ Քոչարյանի աշխատանքակազմում: Քոչարյանն իր գլխավորած ԱԺ հանձնաժողովի անդամների հետ քննարկել ու որոշել են դիմել ոստիկանապետին՝ հորդորելով մեղմ վարվել ու չտուգանել վարորդներին՝ առանց անգամ թիմակիցների հետ քննարկելու կամ գոնե նրանց տեղյակ պահելու: Ոնց որում ՔՊ-ականների համար անակնկալ է եղել այս որոշումը: Նրանցից շատերը մամուլից են միայն տեղեկացել այդ մասին:

Եւ այս ինքնագործունեությունը մեծ բուռն է բարձրացրել ՔՊ ներսում, իշխանականների մեծ մասը համարում է, որ սա հետքայլ է իրենց իսկ որոշումներից:

Նախագծի մեղմացման հատկապես դեմ է Արթուր Յովհաննիսյանը, որը տարբեր անկյուններում հայտարարում է, թե խայտառակ որոշում էր:

«Ժողովուրդ» օրաթերթը երեկ խորհրդարանում ֆիքսեց՝ ինչպես են Արթուր Յովհաննիսյանը եւ ԲՏԱ նախարարի տեղակալ Ավետ Պողոսյանը (որը Կենտրոնի նախկին թաղապետն էր) բանավիճում այդ հարցի շուրջ:

Վերջիններս խորհրդարանի միջանցքում բարձրաձայն քննարկում էին, թե ով է գաղափարի հեղինակը, եւ ինչու որոշեցին հետքայլ կատարել:

Յովհաննիսյանը վստահեցնում էր, որ ինքը լուծում կտա այս հարցին կառավարության իր խողովակներով: Տեսնենք՝ ինչով կավարտվի այս «սպառնալիքը»:


Ազգային ժողովի «Քաղաքացիական պայմանագիր» խմբակցության պատգամավոր Արսեն Թորոսյանը չի էլ փորձում թաքցնել իր թիմակիցների հետ ունեցած հակասությունները, որոնք սկսեց ի ցույց դնել իր գործունեության ժամանակաշրջանի մասով սկսված քրեական գործի քննության փուլում: Այս անգամ խոսքը նրա ու պատգամավոր Վահագն Ալեքսանյանի հեռակա խոսակցության մասին է: «Ժողովուրդ» օրաթերթը մայիսի 27-ի իր համարում գրել էր, որ ՔՊ խմբակցության պատգամավոր Արսեն Թորոսյանը որքան էլ փորձում է ցույց տալ, որ թիմակիցների հետ լավ հարաբերությունների մեջ է, բայց նա թիմում որպես ընդդիմադիր է ընկալվում: Վահագն Ալեքսանյանը գրառում է կատարել՝ հայտնելով, թե դիմել է ԶՅ ՆԳ նախարար Վահե Ղազարյանին՝ հետաքրքրվելով, թե 2022 թվականին քանի ճՏՊ է գրանցվել Հայաստանում, եւ դրանցից քանիսի պատճառ է նշված կողային ապակիների լուսաթափանցելիության բարձր տոկոսը: Եվ հենց այս գրառման տակ մեկնաբանություն է թողել Արսեն Թորոսյանը եւ հետաքրքրվել. «Ճիշտ եմ հասկանում, որ վարդուց գործող օրենքը կիրառելուն դեմ ես: Եթե ճիշտ եմ հասկանում, էլ ո՞ր օրենքների կիրառմանն ես դեմ, Վահագն ջան»: Նկատենք, որ այս հանգամանքը դարձել է ՔՊ-ում քննարկման առարկա: Թորոսյանը իսկապես միայնակ է մնացել խմբակցությունում, չարացել է կուսակիցների հանդեպ: Անգամ չեն զարմանում, որ հետագայում կարող են նրա ձեռքից վերցնել պատգամավորի մանդատը:



«Ժողովուրդ» օրաթերթի տեղեկությունների համաձայն՝ 1 տոննա Յերոնի ԶԶ ներմուծելու դեպքով ԶԶ իրավապահ համակարգում ներքին քննարկում է եղել: Մասնավորապես, իրավապահները բարձրացրել են այն հարցը, որ, անկախ այն հանգամանքից, թե 1 տոննա Յերոնիի մասին ահազանգել է ԱԺ նախկին պատգամավոր Միհրան Պողոսյանը, դա որեւէ կերպ չի փրկում իրեն: Իրավապահ համակարգում կասկածներ կան, որ Յերոնիը ԶԶ ներմուծողները ինչ-որ հարցում անհամաձայնություն են ունեցել, ու կեղտը ջրի երես է դուրս եկել. հիմա պետք է հասկանալ, թե ով կամ ովքեր ինչ կապ ունեն 1 տոննա Յերոնիը ԶԶ ներմուծելու հետ: ԱԱԾ-ն սկսել է Միհրան Պողոսյանի եւ նրա ընկերությունների աշխատակիցների կալանավորման գործընթացը: Հուսանք՝ նախաքննական մարմինը այսքանով չի սահմանափակվի, ու հերթը կհասնի «խոշոր ձկներին», քանի որ առանց քարաքանակի իշխանություններում թիկունք ունենալու 1 տոննա Յերոնիը չէր կարող մտնել Հայաստան: Նշենք, որ երեկ ԱԱԾ-ն «Մրգեկի» ՍՊ ընկերության փաստացի սեփականատիրոջ՝ Միհրան Պողոսյանի, նույն ընկերության տնօրեն Լ.Ա-ի եւ պահեստապետ Ա.Գ-ի նկատմամբ խմբի կազմում, նախնական համաձայնությամբ առանձնապես խոշոր չափերով թմրամիջոց ապօրինի իրացնելու եւ առանձնապես խոշոր չափերով թմրամիջոցի մաքսանենգություն կատարելու համար ԶԶ քրեական օրենսգրքի համապատասխան հոդվածներով հանրային քրեական հետապնդում է հարուցել: Վերջիններս նկատմամբ, որպես խափանման միջոց, ընտրվել է կալանքը, նախկին պատգամավորի նկատմամբ հայտարարվել է հետախուզում: Հավելենք, որ Պողոսյանի նկատմամբ սա երկրորդ հետախուզումն է. առաջինի հարցում Նիկոլ Փաշինյանի իշխանությունը ձախտոց է, եւ Պողոսյանը շարունակում է մնալ ՌԴ-ում, անխռով ապրել, բիզնես անել ուրիշների անուններով եւ անգամ զանգահարել հայրենի իրավապահներին: ⇨ էջ 4



Պարզվում է՝ ԶԶ արտաքին գործերի նախարարությունը մեկ անձից գնումների ջատագով է: Պետական այս կառույցը մայիսի 24-ին պայմանագիր է կնքել «Միլենիում Սվիթ» ՍՊԸ-ի հետ՝ 100 հազար դրամ տրամադրելու, որպեսզի տրանսպորտային ծառայություն մատուցի ՆԱՏՕ-ի ներկայացուցչին: Իսկ «Հասմիլ Բարխուդարյան» ԱԶ-ի հետ կնքված պայմանագիրն էլ 160 հազար դրամ է արժեցել, որով գնվել է հայերեն-ֆրանսերեն համաժամանակյա թարգմանություն: Կրկին թարգմանության ծառայությունների համար ԱԳՆ-ն պայմանագիր է կնքել Նաե. «Անահիտ Ավանեսյան» ԱԶ-ի հետ՝ 180 հազար դրամ արժողությամբ: Չկարողացանք պարզել, թե անուն-ազգանվան համընկնումը ԶԶ առողջապահության նախարար Անահիտ Ավանեսյանի հետ առնչություն ունի, թե ոչ: Արարատ Միրզոյանի ղեկավարած կառույցը Հայաստան ժամանած հյուրերին, բնականաբար, Նաե. հյուրասիրում է, համեմալնդեպ, այդ մասին են վկայում այս կառույցի պայմանագրերը: «Ժողովուրդ» օրաթերթը տեղեկացավ, որ «Յասաման թին» ՍՊԸ-ի հետ այս կառույցի կնքած պայմանագիրը կազմել է 1 մլն 754 հազար դրամ, որով 43 անձի համար ճաշ է մատուցվել՝ Ֆրանսիայի ԱԳ նախարարի այցի շրջանակներում: Այդ նույն այցի ժամանակ էլ հյուրանոցային ծառայությունների համար ԱԳՆ արարողակարգի վարչությունը ծախսել է 568 հազար դրամ: Իհարկե, խոշոր գնումներն այսքանով չեն ավարտվում: Օրինակ՝ «Ֆակտորի փողոց» ընկերությունից ԱԳՆ-ն մոտ 740 հազար դրամի գնումներ է կատարել: Այդ գումարով կառույցը գնել է թղթապանակներ, նոթատետրեր, գրիչներ: Նաե. «Վինո-Վինո» ՍՊԸ-ի հետ է պայմանագիր արված՝ 225 հազար դրամի, որով էլ «Ազնավոր» եւ «Դվին» կոնյակներ են գնվել: Այս գնումների մեծ մասն իրականացվում է մեկ անձից գնումների եղանակով: Կարճ ասած, այն, ինչ մերժում էր Արարատ Միրզոյանը, հիմա իրագործում է հաճույքով, առանց անաչելու:



ՔԱՂԱՔԱԿԱՆ

ԱՌՁԱԳԱՆՔ՝ ԱՌՅԱՆԻՑ

ՀՀ ԻՇԽԱՆՈՒԹՅՈՒՆՆԵՐԻՆ ՀԱԿԱՌԱԿ ՕՐԱԿԱՐԳ

Օրերս Ադրբեջանի նախագահ Իլհամ Ալիևը, դիմելով արցախահայությանը, հայտարարել էր. «Ձեր գիրքը փակված է, «Միացում» գիրքը փակված է, եկե՛ք և անջատողականության վերջը: Անկախության երազանքները գնացին այնտեղ, ուր կարգավիճակը: Իսկ կարգավիճակը մենք դեռ Պարաթաղյան երկրորդ դասերազմի ժամանակ ուղարկեցինք՝ ուր դեռ է: Պարաթաղի հայերին մնում է մեկ ճանապարհ՝ աղբարկղ նետել կեղծ ողեսական սահմանները, լուծարել խորհրդարանը և ենթարկվել Ադրբեջանի օրենքներին»:

«Ժողովուրդ» օրաթերթը վերոհիշյալ հայտարարության մասին գրուցել է Արցախի խորհրդարանի պատգամավոր Մետաքսե Հակոբյանի հետ:

-Տիկին Հակոբյան, Ալիևը հայտարարել է, որ Պարաթաղի հայերին մնում է մեկ ճանապարհ՝ աղբարկղ նետել կեղծ պետական ատրիբուտները, լուծարել խորհրդարանը և ենթարկվել Ադրբեջանի օրենքներին: Ինչպե՞ս կմեկնաբանեք նրա հայտարարությունը:

-Ամեն ինչ պայմանավորված է Հայաստանի իշխանությունների գործողություններով և վարած քաղաքականությամբ: Բնականաբար, Ադրբեջանի բռնապետի ձեռքերը ավելի ազատ են, և եթե մենք համեմատենք մինչև 2018 թվականը, ապա բոլորս փայլուն հիշում ենք, որ այդ նույն անձը մինչ 2018-ը ասում էր, որ իրեն փակ սենյակներում ստիպում են ճանաչել Արցախի անկախությունը: Այսինքն՝ մենք ունենք իրավիճակ՝ երբ այդ նույն ներկայումս հոխորտացողը այսպես հայտարարություններ էր անում և Մադրիդյան սկզբունքների շուրջ բանակցային սեղանին ասում, որ ինքը ես չի դիտարկում Արցախը Ադրբեջանի կազմում: Ամեն ինչ կտրուկ փոխվեց 2018-ից հետո՝ նաեւ պայմանավորված պատերազմում իրենց հաղթանակով, Արցախի և Հայաստանի դեմ ճնշումը ավելացավ, իսկ շրջափակման օրերից այդ ճնշումը ավելի մեծացավ: Հայաստանի իշխանությունները չխորշեցին և հայտարարեցին, որ իրենք ես ճանաչում են Արցախը Ադրբեջանի կազմում, նաեւ պատրաստ են գիշումների գնալ Հայաստանի սուվերեն տարածքներից: Սա այն ամենամեծ երազանքն էր, որը նույնիսկ



պատկերացնել չէին կարող թե՛ Ադրբեջանը և թե՛ Թուրքիան, որ կարող էր երբեք իրականություն դառնալ, բայց այն Հայաստանի իշխանությունների քաղաքական դառնում է իրականություն:

Մյուս հարվածը Արցախի պետության գլխատումն է՝ փորձելով վերացնել պետական ինստիտուտները:

Մենք բազմիցս հայտարարել ենք, որ մենք ընտրում են պայքարի ճանապարհը, այլևս որեւէ զիջում չի լինելու, և մեր որոշման մեջ որեւէ բան չի փոխվել: Այնպես որ, մեր օրակարգը արդեն վաղուց Հայաստանի իշխանությունների օրակարգին հակառակ է:

-Հայաստանի կողմից Ադրբեջանի տարածքային անբողջականության ճանաչման և Ադրբեջանի այսպիսի հայտարարությունների ֆոնին՝ Արցախի իշխանությունները ի՞նչ են պատրաստվում անել:

-Արդեն երեք ամիս, անկախ այն հանգամանքից, թե ինչ է կատարվում, և ինչ քայլերի են գնում Հայաստանը և Ադրբեջանը, մենք սկսեցինք բավականին մեծ խմբով աշխատել այլընտրանքային նախագծերի, ծրագրերի վրա: Պետք է հասկանալ, որ մենք իրականում կորցնում ենք Արցախը և դրանով վտանգում եւ թուլացնում ենք նաեւ Հայաստանի Հանրապետությունը: Այս հարթակում մենք ստեղծեցինք տարբեր ծրագրեր՝ տարբեր սցենարներով մշակված, որտեղ կան եւ ներկայիս իշխանությունների հետ կապված, եւ՝ առանց իշխանությունների: Այս ամենը արդեն մշակված, ձեւավորված է ճակատը, որտեղ մեծ համախմբում կա, և դրանք այն իրատեսական ծրագրերն են, որով Արցախը պայքարելու է: Ծրագիրը շուտով հրապարակվելու է, բավականին մեծ ծրագիր է, որը բոլորի համար հասանելի կլինի:

ՄԱՐՈՒԹՅԱՆԸ ԹԻՄ ՉՈՒՆԻ

ՄԱՐՈՒԹՅԱՆԸ ԹԻՄ ՉՈՒՆԻ

Մամուլում լուր տարածվեց, որ Երեւանի նախկին քաղաքապետ Հայկ Մարությանը գնացել է Ստեփան Դեմիրճյանի մոտ ու խնդրել, որ Երեւանի ավագանու գալիք ընտրություններին մասնակցի վերջինիս գլխավորած ՅԺԿ ցուցակով, սակայն մերժում է ստացել: Մեզ փոխանցեցին, որ Մարությանի առաջադրումը ցանկանում են կազմակերպել հենց իշխանությունները, որպեսզի գոնե որոշակի մրցակցային ֆոն ստեղծեն Տիգրան Ավինյանի համար:

Մասնավորապես՝ ընտրություններից առաջ անցկացող հարցումները ցույց են տալիս, որ, բացի իշխանական թեկնածուից, այլ մարդու անուն նույնիսկ դժվարանում են հիշել երեսնացիները, ու վտանգ կա, որ Ավինյանի ընտրությունը կարող է անցկացվել շատ պասիվ, մասնակիցների թիվը կարող է չհասնել նույնիսկ 30 տոկոսի: Իշխանական մեր աղբյուրները փոխանցեցին, որ թե՛ ԶԳ-ում, թե՛ Տիգրան Ավինյանի թիմում փորձում են ամեն բան անել, որպեսզի իրենց սպասվող հաղթանակը ստանա մրցակցային շղարշ, իսկ լավագույն թեկնածուն հենց նախկին քաղաքապետ Հայկ Մարությանն է: Վերջինս հիմա զբաղված է իր սիրելի գործով՝ ներկայացումներ տալով, գովազդային հոլովակներում նկարահանվելով, ու չի ցանկանում նորից կոստյում հագնել, գործի գնալ, խնդիրներ լսել, բայց ոչինչ բացառված չէ: Ընդդիմադիր որոշ գործիչներ մեզ հետ զրույցում կարծիք հայտնեցին, որ Մարությանին առաջադրելու համար իշխանությունները եւս մեկ պատճառ ունեն. սրանով ուզում են ցույց տալ, որ, 2018թ.-ի համեմատ, Մարությանի աննշան վարկանիշն արձանագրելով՝ Նիկոլն ու իր թիմն ակնառու կդարձնեն, թե որքան շատ են բոլորն իրենից կախված, ու ինչքան քիչ ձայն կարող են հավաքել նրանք, երբ «հեռանում են» Փաշինյանից:

ԿՄԵԿՆԻ ԵՎՐՈՊԱ

Աժ նախագահ Ալեն Սիմոնյանի որոշմամբ՝ «Հայաստան» խմբակցության պատգամավոր, ԵԽԽՎ-ում Ազգային ժողովի պատվիրակության անդամ Արմեն Ռուստամյանը մայիսի 29-ից հունիսի 3-ը գործուղվում է Եվրոպա:

Ընդդիմադիր պատգամավորը մայիսի 29-31-ը Փարիզում կմասնակցի Եվրոպայի խորհրդի խորհրդարանական վեհաժողովի (ԵԽԽՎ) մոնիտորինգի հանձնաժողովի նիստին, իսկ հունիսի 1-3-ը Լոնդոնում կմասնակցի ԵԽԽՎ մշակույթի, գիտության, կրթության և լրատվամիջոցների հարցերի հանձնաժողովի նիստին:

Պատգամավորի գործուղման հետ կապված ճանապարհածախսը (Երեւան-Փարիզ-Լոնդոն), օրապահիկի, ինչպես նաեւ գիշերավարձի ծախսերը (Լոնդոն, 3 գիշեր) կկատարվեն պետբյուջեի հաշվին:

ՔՐԻՍՏԻՆԱ ՍՈՒՇԵՂՅԱՆ

ՍՊԱՌՆԱԼԻՔՆԵՐ

ՆԵՐՔԻՆ ԼՍԱՐԱՆԻ ՀԱՄԱՐ

Ալիևը վերջերս հերթական սղառնալիքն էր հնչեցրել Արցախի հասցեի՝ դահանջելով լուծարել Արցախի խորհրդարանը. «Խորհրդարանը դեռ է լուծարվի, սարքը, որ իրեն նախագահ է անվանում, դեռ է հանձնվի, բոլոր նախարարները, դասգամավորները և այլ դեռ է լինի իրենց դասոցները: Միայն այդ դեղձում նրանց նկատմամբ կարող է ներդամնություն ցուցաբերվել: Միայն այդ դեղձում կարող է խոսք գնալ ինչ-որ համաներման մասին», - հայտարարել է նա:

«Ժողովուրդ» օրաթերթի հետ զրույցում ՀՀ Աժ նախագահ Ալեն Սիմոնյանը, արձագանքելով Ալիևի սպառնալիքներին, ասում է. «Արցախի համապատասխան պաշտոնյաներն արդեն արձագանքել են նրան. սա բանակցություններից առաջ հերթական սարդիչ հայտարարություններ են, որոնք ստվեր են նետում Ալիևի՝ ընդամենը ժամեր առաջ արած հայտարարություններին: Ադրբեջանը պետք է պարզաբանի՝ որ ասելիքն է իրական, և որ ասելիքն է ներքին լսարանի համար ասվում», -



ասում է նա: Ք. ՍՈՒՇԵՂՅԱՆ, ՀՈՎԱՍԵՓ ՀՈՎԱՍԵՓՅԱՆ

ԻՐԱՎԻՃԱԿ

ՄԻՋՆՈՐԴՈՒԹՅՈՒՆ

ՔՐԵԱԿԱՆ ՎԱՐՈՒՅԻՆ ԿԱՐՈՒՅԻ ՆԿԱՏՄԱՄԲ

ՊԱՇՏՈՆՆԵՐԸ ԹԱՓՈՒՐ ԵՆ



Մի շարք երկրներում Հայաստանի առևտրային ներկայացուցիչների պաշտոնները թափուր են մնում...

Առևտրային ներկայացուցիչների թափուր աշխատատեղեր կան Չինաստանում, Գերմանիայում, ԱՄՆ-ում...

Այսօրվա դրությամբ, ինչպես նշեց նախարարը, Հայաստանն ունի ընդամենը երկու առևտրային ներկայացուցիչ...

«Իրանի հետ ապրանքաշրջանառությունը երկու տարում կրկնապատկվել է: Այնուամենայնիվ, կան բազմաթիվ հանգամանքներ...

Նա հստակեցրեց, որ Ռուսաստանում Հայաստանի ներկայացուցիչն, ըստ էության, Վերին Լարսի անցակետում (Վրաստանի հետ սահմանին) մաքսային կցորդն է: Վերջինս զբաղված է ոչ թե հայկական արտահանման խթանմամբ...

«Ռուսաստանում, որը Հայաստանի համար հսկայական է շատ կարելոր շուկա է, անհնար է արտահանման զարգացումը մեկ անձի հանձնարարել: Այնպես որ, մենք բաց ենք համագործակցության համար բոլոր շահագրգիռ ձեռնարկատերերի հետ...

Միաժամանակ Հայաստանը շարունակում է աշխատել արաբական շուկայի եւ Ասիայի այլ տարածաշրջանների յուրացման, ինչպես նաեւ եվրոպական, ամերիկյան եւ այլ շուկաներում իր ներկայության ընդլայնման ուղղությամբ:

ՀՀ բննչական կոմիտեի Սյունիքի մարզային բննչական վարչությունում բննվող քրեական վարույթի օրհանգրվանում իրականացված բննչական եւ դատավարական գործողությունների արդյունքում դարգվել են 2023թ. մարտի 10-ին Կաղան համայնքի Նորաբենիկ բնակավայրում սեղի ունեցած մահվան ելքով ճանադարհաբեկորային դատարանի մի շարք հանգամանքներ:

2023թ. մարտի 10-ին՝ ժամը 14:10-ին, Կաղան քաղաքի 75-ամյա բնակչի կողմից վարած «Պազ 3206-110» մակնիշի ավտոբուսը ուղեւորներով դուրս է եկել երթուղուց գոտուց եւ գլորվել գետը: Դրա հետեւանքով 23 ուղեւորները եւ վարորդը՝ տարբեր մարմնական վնասվածքներով, տեղափոխվել են բժշկական կենտրոն, որտեղ ուղեւորներից մեկը ստացած մարմնական վնասվածքներից մահացել է:

Ռեպի առթիվ նախաձեռնվել է քրեական վարույթ՝ ՀՀ քրեական օրենսգրքի 342-րդ հոդվածի 2-րդ մասի հատկանիշներով:

Նշանակվել են դիակի դատաբժշկական փորձաքննություններ: Հիվանդանոց տեղափոխված 23 ուղեւորները ճանաչվել են տուժող: Քրեական վարույթի շրջանակներում նշանակվել է նաեւ դատավորներին ստիճաններից եւ դատահետքաբանական համալիր փորձաքննություն:

Նախաքննության ընթացքում կատարված վարույթային եւ ապացուցողական գործողությունների, այդ թվում նաեւ նշանակված համալիր փորձաքննության արդյունքում հիմնավորվել է, որ 2023թ. մարտի 10-ին՝ ժամը 14:20-ին, 75-ամյա տղամարդը, վարելով իրեն ամրակցված «Պազ 3206-110» մակնիշի ավտոբուսը, ուղեւորվելով Կաղան համայնքի Ուխտավայր բնակավայրից, Ուխտավայրի դպրոցի աշակերտներին եւ ուսուցչական կոլեկտիվի անդամներին դեպի Կաղան քաղաք տեղափոխելիս, ուշադիր չհետեւելով առջեւում տիրող ճանապարհատրանսպորտային իրադրության զարգացմանը, չընտրելով երթուղույթային համապատասխան անվտանգ ու սահուն ռեժիմ, իրականացրել է իր վարած տրանսպորտային միջոցի ընթացքի ոչ պատշաճ եւ վտանգավոր կառավարում՝ ստեղծելով վթարային իրադրություն: Ավտոբուսը դուրս է եկել ճանապարհի սահմաններից եւ Առաջաձոր բնակավայրի կամրջի մոտ գլխավոր ընկել Աճանան գետը, ինչի հետեւանքով ուղեւորներից մեկը՝ ուսուցչուհի, ստացած մարմնական վնասվածքներից մահացել է, իսկ մնացած 22 ուղեւորները ստացել են տարբեր աստիճանների մարմնական վնասվածքներ:

ՕՐՎԱԿԱՆ ԽՃԱՆԿԱՐ

ՆՈՐ ՏԵՂԱԿԱԼ

Վարչապետ Նիկոլ Փաշինյանը մայիսի 30-ին որոշում է ստորագրել՝ նոր նշանակում կատարելու մասին:

Որոշման մեջ նշվում է.

«Ղեկավարվելով «Հանրային ծառայության մասին» Հայաստանի Հանրապետության օրենքի 9-րդ հոդվածի 4-րդ մասով՝ Կարեն Թամազյանին նշանակել Հայաստանի Հանրապետության պետական եկամուտների կոմիտեի նախագահի տեղակալ»:

ԱԿՆԿԱԼԻՔՆԵՐ՝ ԲՆՆԱՐԿՈՒՄԻՑ

Եվրամիության խորհրդի նախագահ Շառլ Միշելը հունիսի 1-ին՝ Քիշնեւում Հայաստանի վարչապետ Նիկոլ Փաշինյանի եւ Ադրբեջանի նախագահ Իլհամ Ալիևի հետ կայանալիք հանդիպման ընդառաջ, գրառում է կատարել «Թվիթեր»-ում՝ հույս հայտնելով, որ հանդիպումը հնարավորություն կտա շարունակել ընկերակցությունները հայ-ադրբեջանական հարաբերությունների կարգավորման գործընթացի վերաբերյալ:



Նապարհի սահմաններից եւ Առաջաձոր բնակավայրի կամրջի մոտ գլխավոր ընկել Աճանան գետը, ինչի հետեւանքով ուղեւորներից մեկը՝ ուսուցչուհի, ստացած մարմնական վնասվածքներից մահացել է, իսկ մնացած 22 ուղեւորները ստացել են տարբեր աստիճանների մարմնական վնասվածքներ:

Քննությամբ պարզվել է նաեւ, որ ավտոբուսի կառավարելիությունը եւ ընթացքի կայունությունն ապահովող համակարգերը, ագրեգատները եւ դետալները, ղեկային կառավարման ու բանվորական արգելակային համակարգերը, ընթացային մասերը մինչեւ տվյալ պատահարը՝ նախընթաց շահագործման ընթացքում, գտնվել են սարքին վիճակում:

Ձեռք բերված փաստերի հիման վրա՝ վարույթն իրականացնող մարմնի կողմից միջնորդություն է ներկայացվել հսկող դատախազին՝ ավտոբուսի վարորդի նկատմամբ ՀՀ քրեական օրենսգրքի 342-րդ հոդվածի 2-րդ մասով հանրային քրեական հետապնդում հարուցելու վերաբերյալ:

Նախաքննությունը շարունակվում է:

Ալիևի հետ կայանալիք հանդիպման ընդառաջ, գրառում է կատարել «Թվիթեր»-ում՝ հույս հայտնելով, որ հանդիպումը հնարավորություն կտա շարունակել ընկերակցությունները հայ-ադրբեջանական հարաբերությունների կարգավորման գործընթացի վերաբերյալ:

«Արմենպրես»-ի փոխանցմամբ՝ գրառման մեջ մասնավորապես ասվում է. «Ակնկալում ենք Քիշնեւում շարունակել ընկերակցությունները Ադրբեջանի նախագահ Ալիևի եւ Հայաստանի վարչապետ Փաշինյանի հետ Հայաստանի եւ Ադրբեջանի միջեւ հարաբերությունների կարգավորման շուրջ»:

Անհրաժեշտ է վերահաստատել հարգանքը մեկը մյուսի ինքնիշխանության եւ տարածքային ամբողջականության նկատմամբ, առաջխաղացում գրանցել սահմանների դեղին գծերի հարցում, ինչպես նաեւ նվազեցնել սահմանային շրջանների ռիսկերը:

Այժմ կենսական է Բաքվի եւ նախկին ԼՂԻՄ տարածքում բնակվող հայերի միջեւ երկխոսությունը նրանց իրավունքների եւ անվտանգության վերաբերյալ:

Կարելոր է գերծ մնալ առավելապաշտական դիրքորոշումներից եւ ձգտել երկխոսության: Հակամարտության ավելի քան 30 տարիներից հետո ժամանակ է հարկավոր, որ վերջերը սպիանան: Անհրաժեշտ են համարձակ որոշումներ»:

Հայաստանի ու Ադրբեջանի միջեւ խաղաղության շուրջ ընկերակցությունները կշարունակվեն հունիսի 1-ին՝ Քիշնեւում Եվրոպական քաղաքական համայնքի շրջանակներում նախատեսվող հանդիպման ժամանակ: Ակնկալվում է ինչպես եռակողմ՝ Փաշինյան-Միշել-Ալիևի հանդիպում, այնպես էլ հնգակողմ հանդիպում՝ արդեն նաեւ Գերմանիայի կանցլեր Օլաֆ Շոլցի եւ Ֆրանսիայի նախագահ Էմանուել Մակրոնի մասնակցությամբ:

ԻՐԱՎԱԿԱՆ

ՍՊԱՆՈՒԹՅՈՒՆ

ՎԵՆԳԵՏԱ՝ ԵՐԵՎԱՆՈՒՄ

«Ժողովուրդ» օրաթերթին մանրամասներ են հայտնի դարձել մայիսի 29-ին Երևանում հնչած կրակոցներից: Մասնավորապես՝ 18-ամյա Գ. Թամարյանի սպանությունը խորը արմատներ ունի: Մեզ հայտնի դարձավ, որ իրավապահներին է ներկայացել 26-ամյա Հայկ Մելսոնյանը եւ հայտնել, որ ինքն է կրակել ու սպանել 18-ամյա տղային: Ավելին՝ նա իրավապահներին է հանձնել «Մակարով» սեսակի ատրճաղակը, որով մի քանի անգամ կրակել է կյանքից զրկել է 18-ամյա տղային:



Իսկ հիմա ամենակարեւորի մասին ինչո՞ւ է 26 ամյա տղամարդը Երևանում սպանել 18-ամյա Գ. Թամարյանին: Իրավապահները պարզել են, որ տարիներ առաջ Վրաստանի Մխալբալաք քաղաքում սպանել են Հայկ Մելսոնյանի եղբորը, եւ այդ սպանության մեջ կասկածվել է 18-ամյա Գ. Թամարյանի հայրը: Տարիներ հետո Հայկ Մելսոնյանը վրեժխնդիր եղավ եւ վեղդեցա արեց իր եղբոր սպանության համար՝ Երևանում սպանեց իր եղբորը սպանողի տղային:

տղայի դի, կրակված պարկուճներ ու գնդակ, արևանման հետքեր: Ոստիկանությունն ու քննչական բաժինը պարզում են մահացածի ինքնությունը: Դեպքի վայրում հավաքված մի քանի քաղաքացիներ, որոնք հրաժարվեցին տեսիլսցիկի առաջ խոսել, ասում էին, որ սպանվածը 18-ամյա Գ. Թամարյանն է, ում վրա մի քանի անգամ կրակոցներ են արձակել, ու մինչեւ շտապօգնության ժամանումը նա մահացել է:

ՔՆԱՐ ՄԱՆՈՒԿՅԱՆ

ԼՈՒՐԵՐ

ՀԱՅՏՆԻ Է ԳԱՏԱՎՈՐԸ

«Ժողովուրդ» օրաթերթը հայտնել էր, որ ՀՀ վարչապետ Նիկոլ Փաշինյանի որդու եւ 44-օրյա պատերազմի հերոսի մոր միջադեպի գործը ուղարկվել է դատարան: Մեզ հայտնի դարձավ, որ գործը քննելու է Երեւան քաղաքի ընդհանուր իրավասության դատարանի դատավոր Մանվել Շահվերդյանը:

Նշենք, որ հերոսածին մորը մեղադրանք է առաջադրվել այն բանի համար, որ նա, ՀՀ վարչապետ Նիկոլ Փաշինյանի պետական եւ քաղաքական գործունեության հետ կապված, առեւանգել է վերջինիս որդուն՝ Աշոտ Նիկոլի Փաշինյանին:

Հիշեցնենք, որ մայիսի 20-ին Երեւանի ընդհանուր իրավասության դատարանը՝ դատավոր Ժորա Հիջոյանի նախագահությամբ, որոշում էր կայացրել բավարարել նախաքննական մարմնի միջնորդությունը եւ Գայանե Մարտիրոսյանի նկատմամբ խափանման միջոց ընտրել մեկամսյա կալանքը:

Ք. ՄԱՆՈՒԿՅԱՆ

ԱՆՕՐԻՆԱԿԱՆ ՏԵՂԱՓՈԽՈՒՄ

Պետական եկամուտների կոմիտեի Հարավային մաքսատու-վարչության Մեղրիի մաքսային կետ-բաժինը շարունակում է անընդմեջ պայքարն Ազարակ պետական սահմանի անցման կետով ապրանքների ապօրինի ներմուծման եւ արտահանման դեպքերի բացահայտման ուղղությամբ:

Վերջին շաբաթվա ընթացքում բացահայտվել են նաեւ ծխախոտային արտադրանքի հետ կապված մի շարք իրավախախտումներ:

Այսպես, Հայաստանից Իրան մեկնող ավտոբուսի հատակի մեջ՝ նախապես պատրաստված թաքստոցից, մաքսավորները հայտնաբերել են 1000 տուփ «HEETS» ապրանքանիշի տաքացվող ծխախոտի գլանակ:

Երեք դեպքերով էլ Իրանից ժամանած բեռնատարների վարորդների խցիկներից ու տրանսպորտային միջոցներից մեկի առաստաղի թաքստոցից հայտնաբերվել է մաքսային հսկողությունից թաքցված 1310 տուփ «Marlboro» եւ «Wisdom» ապրանքանիշի ծխախոտ:

Իրանից ժամանած ՀՀ 3 քաղաքացու մոտ էլ հայտնաբերվել է մաքսային հսկողությունից թաքցված, ինչպես նաեւ չհայտարարագրված ընդհանուր 160 տուփ ծխախոտ: Հիշյալ ծխախոտի մի մասն ամրացված է եղել քաղաքացու մարմնի վրա եւ հայտնաբերվել է անձնական զննման արդյունքում:

Հարուցվել են վարչական վարույթներ՝ «Մաքսային կարգավորման մասին» ՀՀ օրենքի 313-րդ եւ 316-րդ հոդվածների հատկանիշներով:

Մեկ այլ դեպքով էլ Իրանի Իսլամական Հանրապետությունից ժամանած Իրանի քաղաքացու մոտ գտնվող ծխախոտի տուփերում Մեղրիի մաքսային կետ-բաժնի աշխատակիցների կողմից հայտնաբերվել է մաքսային հսկողությունից թաքցված Մեթադոն տեսակի թմրամիջոցի պարունակությամբ 316 դեղահաբ:

ՀՀ քրեական օրենսգրքի 399-րդ հոդվածի հատկանիշներով նախապատրաստված կյուբերը փոխանցվել են ՀՀ քննչական կոմիտե:

ՀԵՏԱԽՈՒԶՈՒՄ

ՄԻՂԲԱՆ ՊՈՂՈՍՅԱՆԸ՝ ՀԵՐՈՒՆԻ ԳՈՐԾՈՎ

ՀՀ ազգային անվանագրության ծառայության ֆինչական գլխավոր վարչությունում, 2023 թվականի մայիսի 13-ին նախաձեռնված եւ իրականացվող թիվ 58221423 ֆրեական վարույթի նախաֆինչային ընթացքում կատարված լայնածավալ ֆինչական եւ վարույթային այլ գործողությունների արդյունքում ձեռք բերված փաստական սվյալների հիման վրա, ֆինչի միջնորդությամբ հսկող դասախազի կողմից որոշումներ են կայացվել նաեւ հանցավոր խմբի անդամներ, «Մրգենի» ՍՊ ընկերության փաստացի սեփականատեր Մ.Պ-ի, նույն ընկերության սֆորտե Լ.Ա-ի եւ դահեստադես Մ.Գ-ի նկատմամբ խմբի կազմում, նախնական խոստովանությամբ առանձնադես խոսող չափերով քննադիմաց ապօրինի իրացնելու եւ առանձնադես խոսող չափերով քննադիմացի մաքսանենգություն կատարելու համար ՀՀ ֆրեական օրենսգրքի համադասասխան հոդվածներով հանրային ֆրեական հետադուրում հարուցելու մասին: Վերջիններիս նկատմամբ, որդես խափանման միջոց, ընթացել է կալանք, Մ.Պ-ի նկատմամբ հայտարարվել է հետախուզում:



Նույն օպերատիվ-հետախուզական եւ վարույթային գործողություններ՝ կատարված հանցագործությունների ամբողջական պատկերի բացահայտման, դեպքերի հետ առնչություն ունեցած այլ անձանց ինքնությունները պարզելու, նրանց նկատմամբ հանրային քրեական հետապնդումներ հարուցելու եւ արդյունքում քրեական պատասխանատվության անխուսափելիության սկզբունքն արդյունավետ կենսագործելու ուղղությամբ:

ArmLur.am-ն հայտնել էր, որ, «Ժողովուրդ» օրաթերթի տեղեկությունների համաձայն, Ազգային անվտանգության ծառայությունը 1 տոննա հերոինի գործով ձերբակալությունների եւ կալանավորումների շարք է սկսել:

● Ըստ ոստիկանության տվյալների՝ մայիսի 29-ից 30-ը Հայաստանի Հանրապետությունում բացահայտվել է հանցագործության 65 դեպք, որոնցից 6-ը՝ նախկինում կատարված:

**ՀԱՍԱՐԱԿՈՒԹՅՈՒՆ**

**ՄԱՐԶ**

**ՀԱՇՎԱՊԱՀԸ ԳԻՄԵԼ Է ԳԱՏԱՐԱՆ**

Քիչ չեն դեպքերը, երբ Տավուշի մարզպետարանի ենթակայությամբ գործող հանրակրթական դպրոցների ու առողջապահական հիմնարկների աշխատողները իրենց խախտված իրավունքները վերականգնելու, հիմնականում աշխատատեղում վերականգնելու պահանջով հայցադիմում են ներկայացնում Տավուշի մարզի առաջին ատյանի դատարան եւ դատարանի վճռով հասնում իրենց խախտված իրավունքների վերականգնմանը:

Հարց է ծագում Տավուշի մարզպետի աշխատակազմում ինչո՞ւ է գործում իրավաբանական բաժին, եթե մարզպետարանի ենթակայությամբ գործող հանրակրթական դպրոցների եւ առողջապահական հիմնարկների տնօրենները խնդրահարույց որոշումներ կայացնելիս անհրաժեշտ իրավաբանական աջակցություն չեն ստանում մարզպետարանի իրավաբանական բաժնից: Ահավասիկ նման դեպքերից մեկը:

Տավուշի մարզի Ս. Մագուլյանի անվան Բագրատաշենի թիվ 1 միջնակարգ դպրոցի երկարամյա հաշվապահ Մարիամ Նասիբյանի ներկայացուցիչ Ա. Խալաթյանը 2022 թվականի նոյեմբերի 4-ին հայցադիմում է ներկայացրել՝ ընդդեմ Տավուշի մարզի «Ս. Մագուլյանի անվան Բագրատաշենի թիվ 1 միջնակարգ դպրոց պետական հանրակրթական ուսումնական հաստատություն» ՊՈԱԿ-ի՝ այդ ՊՈԱԿ-ի տնօրենի 2022թ. սեպտեմբերի 6-ի թիվ 61-Ա հրամանն անվավեր ճանաչելու, նախկին աշխատանքում վերականգնելու, հարկադիր պարապորտի գումարը բռնագանձելու եւ աշխատավարձի վճարման ժամկետանցի համար տույժեր բռնագանձելու պահանջներով:

2022թ. նոյեմբերի 10-ին Տավուշի մարզի առաջին ատյանի դատարանը որոշում է կայացրել հայցադիմումը դատարանի վարույթ ընդունելու եւ պատահանողից ապացույցներ պահանջելու մասին: 2022թ. դեկտեմբերի 2-ին Բագրատաշենի թիվ 1 միջնակարգ դպրոցի տնօրենը դատարան է ներկայացրել հայցադիմումի պատասխան: 2023 թվականի մարտի 23-ին Տավուշի մարզի առաջին ատյանի դատարանը որոշում է կայացրել ապացուցման պարտականությունը բաշխելու մասին եւ գործին մասնակցող անձանց կողմից ապացույցներ եւ դրանք ձեռք բերելուն ուղղված միջնորդություններ դատարան ներկայացնելու համար տրամադրել է ժամկետ՝ մինչեւ 2023 թվականի ապրիլի 27-ին նշանակված դատական հաշորդ նիստը:

Ապրիլի 27-ին Տավուշի մարզի առաջին ատյանի դատարանի դատավոր Նանա Դալլաթյանը որոշել է սույն քաղաքացիական հայցով նախնական դատական նիստն ավարտել եւ գործով նշանակել դատաքննություն, սույն գործով դատաքննությունը նշանակել հունիսի 27-ին Տավուշի մարզի առաջին ատյանի դատարանի Դիլիջանի նստավայրում:

*ՈՍԿԱՆ ՍԱՐԳՍՅԱՆ  
Տավուշ*

**ՆԱԽԱԳԻԾ**

**ԱՂՋԻԿՆԵՐԸ՝ ԿԱՄԱՎՈՐ ԶԻՆԾԱՌԱՅՈՂՆԵՐ**

**Օրենսդրական փաթեթով սահմանվում են կամավոր հիմունքներով դարձադիր զինվորական ծառայություն անցնելու ցանկություն հայցնած իգական սեռի ֆաղաֆահների կողմից այդ նոյաբանով դիմելու, նրանց զինվորական հաշվառման, գորակոչի, ծառայության վայրի նշանակման, ծառայության ավարտից հետո դասվովճարի հաշվարկման հետ կապված հարաբերությունները:**

Այս մասին ասել է ՀՀ պաշտպանության նախարար Սուրեն Պապիկյանը ԱԺ պաշտպանության եւ անվտանգության հարցերի մշտական հանձնաժողովի մայիսի 30-ի նիստում առաջին ընթերցմամբ քննարկման ներկայացնելով «Զինվորական ծառայության եւ զինծառայողի կարգավիճակի մասին» ՀՀ օրենքում լրացումներ եւ փոփոխություն կատարելու մասին» եւ «Պաշտպանության մասին» ՀՀ օրենքում լրացումներ կատարելու մասին» օրենսդրական փաթեթը:

Ըստ պաշտպանության նախարարի՝ նպատակահարմար է 18-27 տարեկան իգական սեռի քաղաքացիների պարտադիր զինվորական ծառայության ժամկետը սահմանել 6 ամիս. զորակոչը սահմանվել է յուրաքանչյուր տարվա մարտի 1-ին եւ հոկտեմբերի 1-ին:

Կիստակեցվել են նրանց կողմից կամավոր հիմունքներով պարտադիր զինվորական ծառայություն անցնելու դիմումների ներկայացման ժամկետները, որպեսզի հնարավոր լինի պատշաճ կարգով եւ ժամկետներում իրականացնել նրանց զինվորական հաշվառման՝ ներառյալ անհրաժեշտ բժշկական հետազոտությունների եւ փորձաքննության գործընթացը:

Նշվել է, որ նախագծով սահմանվում են զորակոչի կազմակերպման առանձնահատկությունները, ինչպես նաեւ մինչեւ պարտադիր զինվորական ծառայության գորակոչվելու իգական սեռի քաղաքացիների կողմից պարտադիր զինվորական ծառայություն անցնելուց հրաժարվելու հնարավորությունը, այդ քաղաքացիներին ծառայության վայր նշանակել առանց վիճակահանության՝ նախանշված ուսումնական զորամասեր:

Սահմանվում է նաեւ պարտադիր զինվորական ծառայության ընթացքում նրանց կողմից պայմանագրային զինվորական ծառայություն անցնելու հնարա-



վորությունը: Պարտադիր զինվորական ծառայությունն անցնելուց հետո նրանց համար, ՀՀ կառավարության որոշման համաձայն, նախատեսվում է պատվովճար՝ 1 մլն դրամի չափով:

Ըստ Սուրեն Պապիկյանի՝ իգական սեռի ներկայացուցիչները ծառայությունից հետո կհամալրեն պահեստազորի կազմը եւ անհրաժեշտության դեպքում կգորակոչվեն:

Հարակից զեկուցող, հանձնաժողովի անդամ Վիլեն Գաբրիելյանը կարեւորել է նախագծի ընդունումը, ինչը, ըստ նրա, նոր մրցակցային դաշտի հնարավորություն է ընձեռում:

ԱԺ պաշտպանության եւ անվտանգության հարցերի մշտական հանձնաժողովի նախագահ Անդրանիկ Զոչայրյանի հավաստմամբ՝ նախագծերի փաթեթով կարեւոր քայլ է կատարվում Զինված ուժերի բարեփոխումների ուղղությամբ:

Ըստ նրա՝ այն հնարավորություն կընձեռի բարձրացնել բանակի որակական ցուցանիշները:

Ըստ հանձնաժողովի նախագահի տեղակալ Արմեն Խաչատրյանի՝ նախագիծը համարձակ նախաձեռնություն է եւ այն կմոտիվացնի տղամարդկանց՝ բանակում ծառայելու:

Հանձնաժողովի անդամ Արփիկե Դավոյանի համոզմամբ՝ օրենսդրական փաթեթով կարեւոր բարեփոխում կիրականացվի բնագավառում:

Բանակի վերաբերյալ իր տեսակետն է ներկայացրել հանձնաժողովի անդամ Գեղամ Մանուկյանը:

Քննարկման արդյունքում օրենսդրական փաթեթը ստացել է հանձնաժողովականների դրական եզրակացությունը: Առաջարկվել է հարցն առաջիկա լիագումար նիստում քննարկել 24-ժամյա ռեժիմով:

**ԱՊՈՎԻՆԵՐԻ ՄԳԵՑՈՒՄ**

**ԲՈՂՈՔԻ ԱԿՑԻԱ՝ ԵՐԵՎԱՆՈՒՄ**

**Մի խումբ վարողներ երեկ մայիսի 30-ին, բողոքի ակցիա են իրականացրել Երևանում՝ դժգոհելով ալժոմեֆեմաների կողային առակիների լուսաթափանցելիության վերաբերյալ որոշումից:**

«Մենք անհամաձայնություն ունենք, քանի որ ապրում ենք շատ շոգ երկրում, այլուկաները պոկած՝ առաջին հերթին վառվում ենք անավոր: Բացի այդ, գողությունները կշատանան, քանի որ երեւալու են մեքենայի սրահում եղած իրերը: Պատճառաբանությունը, թե պարեկները գիշերով չեն տեսնում վարորդն ամրակապ-

ված է, թե ոչ, պատրվակ է ժողովրդին տուգանելու համար: Փաշինյանն ասում էր, Հայաստանում 3 մլն վարչապետ գոյություն ունի, եւ նրանք կարող են որոշում կայացնել: Ո՞ր է: Հիմա ընդամենը մի հոգի կաբիտետում որոշում է կայացնում, ինքն էլ, իր համար կոնդիցիոները միացրած, մեքենայի հետեւում հով-հով ման է գալիս, չի մտածում, որ, օրինակ, վարորդ կա՞ առավոտից իրիկուն տաքսի է քշում: Եղ մարդը արեւի տակ ինչպե՞ս կարող է երկար վարի: Հնարավոր է՝ արեւից ակերգիա ունի: Մարդիկ էլ արեւի տակ կանգնելուց գլխացավ են ունենում, քթից արյուն է գալիս, հիմա ինչ՞ օրենք հանեն, որ

ով չի կարող արեւի տակ կանգնի, վարորդական իրավունք չստանա՞», - ասաց ակցիայի մասնակից վարորդը:

Մեկ ուրիշն էլ նկատեց, որ համաձայն չէ որոշման հեղինակների հետ, թե առանց մզեցված դիմապակիով քշելը վարորդին օգնում է: Հակառակը, շատ դեպքերում խանգարում է, քանի որ գիշերը վարելիս դիմացից կամ կողքից եկող մեքենաների լուսարձակների լույսը վարորդներին կարող է կուրացնել:

Վարորդները պահանջում են կան չեղարկել այդ որոշումը, կան մզեցման թույլատրելիության շեմը հասցնել 60-70 տոկոսի:

● Անցած 1 օրվա ընթացքում հանրապետությունում արձանագրվել է 15 ճՏՊ. 22 մարդ ստացել է տարբեր աստիճանի մարմնական վնասվածքներ:



ԿԱՐԾԻՔ

ՄԻՋԱԶԳԱՅԻՆ

ՄԱՆՍՈՒՐՅԱՆԻ ԱՆՎԱՆ ՄՐՑՈՒՅԹԻ ՀԱՂԹՈՂԸ

Անվանվել են Տիգրան Մանսուրյանի անվան կոմպոզիտորների միջազգային 1-ին մրցույթի արդյունքները: Ինչպես տեղեկացրին Տիգրան Մանսուրյանի անվան կոմպոզիտորների միջազգային մրցույթի կազմակերպչական խմբից, ժյուրիի որոշմամբ՝ 1-ին մրցանակի արժանացել է Իվան Բուլուևի (Ռուսաստան) հեղինակած ստեղծագործությունը, 2-րդ տեղը զբաղեցրել է Մրտեն Բաբաջանյանը (Հայաստան-Ֆրանսիա), 3-րդ մրցանակը ստացել է Վարդան Հարությունյանը (Հայաստան): «Կողբ» հիմնադրամի համակրանք՝ անվանակարգում մրցանակ շնորհվել է Ալինա Պողոցյանին (Ռուսաստան):



Ըստ աղբյուրի՝ ժյուրիի նախագահ Արամ Յովհաննիսյանը նշել է, որ մրցույթը հնարավորություն տվեց ես մեկ անգամ հասկանալու, որ հայոց լեզուն ունի շատ թաքնված դրոշմներ, այն մեծ աստիճան ունի նաև կոմպոզիտորի համար, որը փնտրողներին մեջ իրեն նորովի է բացահայտում: Նա վստահություն հայտնեց, որ մրցույթի շրջանակներում գրված ստեղծագործությունները երկար կապրեն տարբեր համերգային բեմերում գրավելով ունկնդրի սրտերը: «Կողբ» հիմնադրամի հոգաբարձուների խորհրդի անդամ Արման Բարսեղյանն ընդգծել է, որ հիմնադրամի համար մեծ պատիվ է Մանսուրյանի անվան մրցույթի կազմակերպիչ լինելը: Նրա խոսքով՝ մրցույթի նպատակներից էր նաև Հայաստանում մշակութային ակտիվությանը նպաստելն ու աշխարհի մշակութային քարտեզի վրա Երևանն ու Հայաստանն ավելի տեսանելի դարձնելը: «Մատարո Մանսուրյանը մրցույթի փակման

արարողությանը նկատեց, որ իր մեծագույն սերը եղել են Կոմիտասը, հայկական պոեզիան՝ 5-րդ դարից մինչև Եղիշե Զարենց ու Համո Սահյան, եւ ամիսներ առաջ լսելով մրցույթի նախաձեռնության մասին՝ առաջարկել էր այն կազմակերպել՝ առանցքում ունենալով հայերենը»,- հայտնում են մրցույթի կազմակերպչական խմբից: Մանսուրյանի անվան մրցույթին դիմել էին 13 երկրի 24 կոմպոզիտորներ: Ժյուրիի գնահատման արդյունքում եզրափակիչ փուլ էին անցել 6 կոմպոզիտորներ, որոնք էլ պայքարում էին հաղթողի կոչման համար: Մրցույթին դիմած բոլոր մասնակիցները ներկայացրել էին մեկ վոկալ-գործիքային ստեղծագործություն կամ շարք՝ գրված ձայնի եւ մեկ կամ երկու գործիքի համար: Բոլոր ստեղծագործությունները գրված են եղել հայ միջնադարյան, դասական կամ ժամանակակից պոեզիայի հիման վրա:

Հրավիրված գալա համերգի ընթացքում ստեղծագործությունները ներկայացվել են «Ասոնաս» անսամբլի կատարմամբ: Իվան Բուլուևը մրցանակաբաշխությունից հետո նշեց, որ երջանիկ է, որ իր երաժշտությունը հնչել է մրցույթի գալա համերգի ընթացքում: Նա ընդգծեց, որ ուրախ է, որ իր մեծ կապերը հայ ժողովրդին ու հայկական մշակույթին հետ կարողացավ արտահայտել երաժշտության միջոցով: Հիշեցնելը, որ մրցույթը կազմակերպել էր «Կողբ» հիմնադրամը, այն միտված է միավորելու տաղանդավոր կոմպոզիտորներին աշխարհի բոլոր ծայրերից՝ ստեղծելով յուրահատուկ հարթակ, որտեղ կմիաձուլվեն երաժշտությունն ու գրականությունը: Մրցույթի նպատակը տաղանդավոր երաժիշտների բացահայտումն է, արդի պոեզիայի հանրահռչակումը, հայ գրի, խոսքի արժեւորումն աշխարհին ամենահասանելի լեզվի՝ երաժշտության միջոցով: Մրցույթի գլխավոր հովանավորներն էին FastBank-ը եւ FastShift ընկերությունը, հովանավորներն էին Team Telecom Armenia եւ «Տրանսիմպեքս» (FedEx) ընկերությունները,- ասվում է հաղորդագրության մեջ:

ԼՈՒՐԵՐ

ՄԻԽԻԹԱՐՅԱՆԸ ՎԵՐԱԿԱՆԳՆՎՈՒՄ Է



Հայաստանի ֆուտբոլի ազգային թիմի նախկին ավագ Յենրիխ Միխիթարյանը շարունակում է վերականգնվել վնասվածքից: Այս մասին գրում են իտալական ԶԼՄ-ները: Նշվում է, որ «Ինտեր»-ի կիսապաշտպանը պատրաստ կլինի Չեմպիոնների լիգայի եզրափակիչին, որը կկայանա հունիսի 10-ին: «Մանչեսթեր Սիթի»-ի դեմ սպասվող խաղից առաջ Միխիթարյանը վերականգնվում է ձախ ազդրի մկանային վնասվածքից: Միխիթարյանը վնասվածքը ստացել էր Չեմպիոնների լիգայի «Միլան»-ի դեմ կիսաեզրափակիչ պատասխան խաղում եւ փոխարինվել էր խաղի 44-րոպեին:

ՄՐՔՈՒԿԸ ԿԻՊՐՈՍՈՒՄ

Այս օրերին երգչուհի Սրբուկը իր հանգիստն է վայելում Կիպրոսում: Երգչուհին «Ինստագրամ»-ի «Սթորի» բաժնում հաճախ է կիսվում ծովափնյա լուսանկարներով երկրպագուների համար: Սրբուկը լուսանկարներին կից գրել է. «Այս ճամփորդությունը դեռ երկար կհիշեմ, որովհետեւ եւ՝ շատ լավ էր կազմակերպված, եւ՝ թիմն էր լավը, մեկը մեկից գունավոր ու դրական օրեր ենք անցկացրել: Եւ ինչպե՞ս չսիրել այս ընկերական, հյուրընկալ, թե՛ մթնոլորտով վայրը՝ գծական գեղեցիկ բնությանը եւ օդում տիրող հանգստությանը»:


ՀԵՐԹԱԿԱՆ ՀԱՂԹԱՆԱԿԸ

Բասկետբոլի Ա-լիգայում կայացել է 2-րդ հանդիպումը. Նորից ասպարեզ է դուրս եկել «Ուրարտու»-ն: Այս անգամ Միքայել Պողոսյանի սաները «Միկա» մարզահամալիրում հանդիպել են ՖԻՄԱ-ի հետ ու տարել 2-րդ հաղթանակը: Դիմակայությունն ավարտվել է 117:93 հաշվով: Առաջին խաղում «Ուրարտու»-ն 97:94 հաշվով առավելության էր հասել «Արթիկ»-ի նկատմամբ: Հաջորդ խաղը լինելու է հունիսի 1-ին՝ ժամը 19:30-ին, միայնց դեմ մրցելու են ԲԿՄԱ-ն ու «Արթիկ»-ը:

ՇՐՋԱԳԱՅՈՒԹՅՈՒՆ

ՀԻՍՈՒՄԻ ՄԱՍԻՆ ՖԻԼՄ ԿՆԿԱՐԱՂԱՆՎԻ

Կաննի կինոփառատոնից հետո Մարտին Սկորսեզեն Երջազայության է մեկնել Իսախա, որտեղ համոզվել է Հռոմի դառ Ֆրանցիսկոսի հետ եւ հայտարարել, որ Ֆիլմ է նկարելու Հիսուսի մասին. այս մասին հայտնում է Variety-ն:



«Ես արձագանքեցի արվեստագետներին ուղղված Հռոմի պապի կոչին ինձ հայտնի ձեւով՝ հորինելով եւ գրելով սցենար Հիսուսի մասին ֆիլմի համար, եւ ես պատրաստվում եմ սկսել նկարահանել այն»,- ասել է Սկորսեզեն Վատիկանում կայացած համաժողովի ժամանակ: Ռեժիսորն առաջարկել է, որ սա կարող է լինել իր հաջորդ ֆիլմը: Սկորսեզեն նաև հիացել է Պիեր Պաուլո Պազոլինիի «Մատթեոսի ավետարանով» եւ խոսել 1988 թվականի վիճահարույց «Քրիստոսի վերջին գայթակղությունը» էպոսի նշանակության ու «Հիսուսի կերպարի ուսումնասիրության հաջորդ քայլի» մասին, որը ներկայացված էր 2016 թվականի «Լռությունը» կարճ դրամայում:

● Հունիսի 1-ին Գ.Սունդուկյանի անվան ազգային ակադեմիական թատրոնում տեղի կունենա «Մոխրոտը» ներկայացումը: Տոմսերի արժեքը՝ 2000-6000 դրամ: Սկիզբը՝ ժամը 16:00-ին: Մինչեւ 4 տարեկան երեխայի մուտքն անվճար է:



Էջը՝ ՈՂՋԱ ՊՈՐՈՍՅԱՆԻ

**ՖԻՆԱՆՍՆԵՐ**

**ՀԱՐՑ. Ուսանող եմ: Ի՞նչ դայմաններով կարող եմ սահմալ ուսանողական վարկ: Հայկ Այվազյան (19 տարեկան)**



**ՊԱՏԱՍԽԱՆ.** Ծրագրի շրջանակում ուսանողներին վարկեր են տրամադրվում 12 տոկոս տարեկան տոկոսադրույքով, որից 2 տոկոսը սուբսիդավորում է պետությունը, իսկ մեկ տարվա ընթացքում առավել բարձր առաջադիմություն ցուցաբերած ուսանողների դեպքում սուբսիդավորումը կկազմի 3 տոկոս: Վարկերը տրամադրվում են 10 տարի մարման ժամկետով՝ սահմանելով արտոնյալ ժամկետ՝ ուսումնառության ընթացքում առավելագույնը 4 տարվա համար, ինչը նշանակում է, որ այս ընթացքում մայր գումարի մարում տեղի չի ունենում, վճարվում են միայն տոկոսադրույքները: Յուրաքանչյուր ուսանողի հաշվով նախատեսված է առավելագույնը 1.800.000 դրամ՝ առավելագույնը 4 մասնաբաժնով, սակայն ոչ ավելի, քան 450 հազար դրամը՝ կախված յուրաքանչյուր մասնագիտության համար սահմանված ուսման վարձավճարի չափից:

**«ԺՈՂՈՎՈՒՐԳ».** Ծրագրի մասին առավել մանրամասն տեղեկատվություն ստանալու համար կարող եք դիմել «Բնակարան երիտասարդներին» վերաֆինանսավորում իրականացնող վարկային կազմակերպության:

**ԱՌՈՂՋՈՒԹՅՈՒՆ**

**ՀԱՐՑ. Մեր ընտանեկան բժիշկը հրաժարվել է հավառել հիվանդին: Գրա իրավունքն ունի՞: Անի Հովակիմյան (44 տարեկան)**



**ՊԱՏԱՍԽԱՆ.** ԱԱՊ բժիշկը չի գրանցում իրեն ընտրած եւ գրանցվելու նպատակով դիմող բնակչին, եթե՝

- 1) լրացել է ԱԱՊ բժշկի կողմից սպասարկվող բնակիչների առավելագույն թույլատրելի թվաքանակները,
- 2) բնակչի ներկայացրած փաստաթղթերը չեն համապատասխանում սույն կարգով սահմանված պահանջներին:

**«ԺՈՂՈՎՈՒՐԳ».** ԱԱՊ բժիշկը նեւ իրավունք ունի իրեն ընտրած եւ գրանցվելու նպատակով դիմած բնակչին չգրանցելու, եթե ԱԱՊ հաստատության եւ բնակչի մշտական բնակության վայրի միջեւ եղած հեռավորության պատճառով ԱԱՊ բժիշկը չի կարող մատուցել բժշկական օգնության հետեւյալ ծառայությունները՝ տնային այցելություններ եւ հակահամաճարակային հսկողություն:

Հիմք՝ 30.03.2006թ. ՀՀ Կառավարության թիվ 420-Ն որոշում:

**ՏԵՂԵԿԱՅՎԱԾ**

**ԼՈՒՐ ԿԱԴՐ**

Լուսանկարն արվել է Երեւանում



Վաղ առավոտյան «Ժողովուրդ» օրաթերթի տեսախաղիկը ֆիքսել է Երեւանի կենտրոնում Արմվյան փողոցի հատվածում, աղբի կույտ: Դա այն հատվածում է, որտեղով անցնում են զբոսաշրջիկներ: Թե այսքանից հետո ինչ պատկերացում կկազմեն մեր քաղաքային իշխանությունների եւ քաղաքի մասին, դժվար է ասել: Նկատենք, որ նման պատկեր կարող ենք հանդիպել օրվա տարբեր ժամերի Երեւանի փողոցներում:

**ԲԱԺԱՆՈՐԴԱԳՐՈՒԹՅՈՒՆ**

Մեր թերթը  
Բաժանորդագրվելու  
համար կարող եք դիմել



«Հայմամուլ» ՓԲԸ  
հեռ. 45-82-00, 45-19-11

«Հայփոստ» ՊՓԲԸ  
հեռ. 51-45-46, 51-45-47

«Բլից-Մեդիա» ՍՊԸ  
հեռ. 52-5301

Առաքումը՝ ԱՆՎՃԱՐ:

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձնանք ձեր բարձրացրած բոլոր խնդիրներին:

**ԱՌԱՋԱՐԿ**  
**հայկական տպագիր մամուլից**

«Ժողովուրդ» օրաթերթին բաժանորդագրվելու համար կարող եք լրացնել հետեւյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

**Բաժանորդագրության բլանկ**

Անուն՝ \_\_\_\_\_  
Ազգանուն՝ \_\_\_\_\_  
Առաքման հասցե՝ \_\_\_\_\_  
Բջջային եւ/կամ քաղաքային հեռախոս՝ \_\_\_\_\_

Հեռ.՝ (060) 490049  
0023, Արշակունյաց 2, 5-րդ հարկ, 518ս.

**ԵՂԱՆԱԿԻ ՏԵՍՈՒԹՅՈՒՆ**



Շիրակ	+8 + 12 +18 + 22	Արարատ	+15 + 17 +25 + 28
Կոտայքի լեռներ	+8 + 11 +17 + 20	Արմավիր	+13 + 16 +24 + 27
Կոտայքի նախալեռներ	+13 + 16 +22 + 24	Վայոց ձորի լեռներ	+7 + 10 +17 + 20
Գեղարքունիք	+7 + 11 +17 + 21	Վայոց ձորի նախալեռներ	+15 + 17 +25 + 28
Լոռի	+11 + 16 +22 + 26	Սյունիքի հովիտներ	+17 + 21 +30 + 35
Տավուշ	+13 + 18 +25 + 28	Սյունիքի նախալեռներ	+10 + 15 +24 + 27
Արագածոտնի լեռներ	+7 + 11 +15 + 19	Արցախ	+17 + 20 +27 + 32
Արագածոտնի նախալեռներ	+12 + 16 +20 + 25	Երեւան	+14 + 16 +25 + 27

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ  
Հասցեն՝ ք. Երեւան, Արմվյան 22՝/3, հեռ՝ 010 54-64-23  
Պետական գրանցման վկայականի համարը՝ 03Ա089086  
տրված է 24.11.2010  
Ստորագրված է տպագրության 30.5.2023  
Պատկերը հարցի վրա է հարցվել, 4 հարցերով 2021

Գլխավոր խմբագիր՝  
**ՔՆԱՐ ՄԱՆՈՒԿՅԱՆ**

Տպագրված է «ԳԻՆԴ» տպարան ՍՊԸ հրատարակչությունում  
խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետեւյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: